

Godišnji izvještaj

Centar za edukaciju mladih

2011

Poštovani/e,

Tim Centra za edukaciju mladih sa velikim zadovoljstvom predstavlja godišnji izvještaj o aktivnostima i programima organizacije u 2011. godini.

Kao što mnogi od vas znaju, Centar za edukaciju mladih nastoji da osnažuje pojedince/ke, organizacije civilnog društva ali i donosiocima odluka da zajedno grade društvo jednakih mogućnosti za sve, sa posebnim akcentom na mlade ljude.

Kroz kreiranje i promociju zakonskih rješenja za mlade ljude (učestvovanje u izradi i promocija Zakona o mladima Federacije Bosne i Hercegovine), kreiranje strategija, politika i programa koje se odnose na poboljšanje položaja mladih kako na lokalnom tako i na državnom nivou (Strategija za mlade općine Travnik, Školska alkohol politika, i cijeli projekat "Stil života bez alkohola" na nivou BiH), Centar za edukaciju mladih je doprinio stvaranju uvjeta za razvijanje potencijala mladih.

CEM je dao svoj doprinos pomenutim procesima sprovodeći paralelne aktivnosti na nekoliko različitih nivoa; individualnom, organizacijskom i sistemskom - ne samo u lokalnoj sredini već i BiH, radeći sa svim akterima koji su odgovorni ili mogu utjecati na poboljšanje položaja mladih i onih koji rade s mladima.

Kroz Mrežu resursnih centara organizacija civilnog društva BiH CEM je svoj rad usmjerio na izgradnju kapaciteta i osnaživanje pojedinaca i organizacija civilnog društva, a s ciljem podrške održivom razvoju neprofitnog sektora u Bosni i Hercegovini i povećanja broja kvalitetnih programa/projekata/aktivnosti koji odgovaraju stvarnim potrebama zajednice.

U cilju podrške, promocije i priznavanja volonterizma i volonterskog rada mladih u organizaciji, CEM je razvio sasvim novi program "Travel for knowledge" koji je u 2011 godini omogućio mladima da razmjenjuju iskustva, uče i rade u drugim evropskim zemljama. Program je rezultirao povećanjem mobilnosti mladih iz Bosne i Hercegovine, ali i stvaranjem mogućnosti za strane studente da rade praksu u Bosni i Hercegovini.

Nastavili smo podržavati mlade pri ostvarivanju svog prava na informisanje, kreirajući nove i razvijajući postojeće modele informisanja.

Naš program i aktivnosti u 2011. godini je podržan od strane različitih donatora i svima se želimo zahvaliti na saradnji i podršci u implementaciji naših projekata. Također smo veoma zahvalni članovima Upravnog odbora na savjetima i korisnim sugestijama u radu i razvoju organizacije u protekloj godini.

Naposljetku bi se zahvalili onima koji svojim radom i motivacijom doprinose ispunjenju misije i vizije Centra za edukaciju mladih, a to su naši volonteri/ke, članovi/ce i brojni partneri i prijatelji.

CEM Tim

1. Centar za edukaciju mladih – CEM

Centar za edukaciju mladih (CEM) djeluje na prostoru srednje Bosne od 1998. godine; najprije pod nazivom Proni Institut za socijalnu edukaciju, a kasnije Forum Syd Balkans Programme (FSBP).

25. septembra. 2007 godine CEM se lokalno registruje i počinje djelovati kao samostalna organizacija civilnog društva, ali nastavlja saradnju s drugim organizacijama, članicama Forum Syd Balkans Programme mreže.

Preko 10 godina, naš glavni donator bila je Švedska internacionalna razvojna agencija - SIDA. Smanjenjem priliva sredstava internacionalnih agencija i drugih donatora u Bosnu i Hercegovinu, kao i sve druge organizacije civilnog društva, CEM osigurava sredstva

kroz pisanje projekata koji su odraz strateških pravaca organizacije i uspostavlja različite vidove saradnje sa vladinim i nevladinim institucijama.

Kvalitetan rad u skladu sa evropskim standardima, kao i konstantno unaprijeđenje ekspertize uposlenih u organizaciji, osigurava CEM-u prepoznatljivost u okruženju i podršku donatora i partnera.

Rad Centra za edukaciju mladih u proteklih par godina su podržale različite internacionalne i domaće agencije i donatori, kao što su Razvojni program Ujedinjenih naroda/nacija – UNDP BiH, Balkan trust for democracy - BTD, IOGT NTO, Centar za promociju civilnog društva – CPCD i drugi.

U 2010.godini Centar za edukaciju mladih proširuje pravce svog djelovanja, i postaje Regionalni resursni centar za područje Srednjobosanskog kantona i općine Zenica, sa svojim kancelarijama u Travniku, Turbetu i Zenici.

7 uposlenih Centra za edukaciju mladih su ujedno i certificirani treneri koji obrađuju različite teme sa ciljem izgradnje kapaciteta ciljnih grupa CEM-a, kao što su mladi ljudi, organizacije civilnog društva, vladin sektor ali i pojedina/ki.

Svi programi i aktivnosti Centra za edukaciju mladih su prvenstveno usmjereni na osnaživanje mladih ljudi kroz omladinski rad, kako bi razvili svoje pune kapacitete i doprinosili razvoju demokratskog društva, kao i na razvoj i podršku organizacijama civilnog društva.

Aktivnosti Centra za edukaciju mladih se temelje na vrijednostima i principima prepoznatljivima za našu organizaciju od njezinih početaka, kao što su: prihvatanje i poštivanje različitosti, nediskriminacija, promocija jednakih prava, promocija zdravog okruženja i lični i socijalni razvoj.

Kako su mladi ljudi od samih početaka glavni fokus rada CEM-a, promocijom volonterizma i aktivizma mladih, iz godine u godinu povećavamo broj aktivnih volontera, i sada imamo preko 60 educiranih mladih ljudi koji su motivisani da volontiraju.

U općinama u kojima djelujemo imamo podršku lokalnih vlasti i šire zajednice.

1.1.Vizija

Centar za edukaciju mladih, kao pokretač i nosilac društvenih promjena u Bosni i Hercegovini, osnažuje pojedince/ke, organizacije civilnog društva i donosiocima odluka da zajedničkim djelovanjem grade društvo jednakih mogućnosti za sve.

1.2.Misija

Centar za edukaciju mladih je organizacija civilnog društva, koja djeluje na području Bosne i Hercegovine, i koja kroz neformalno obrazovanje, omladinski rad, razvoj i implementaciju omladinskih politika, prenosi znanja, vještine i iskustva pojedincima/kama, organizacijama civilnog društva i donosiocima odluka i zajedno sa njima kreira pozitivne promjene u društvu u skladu sa evropskim integracijama.

1.3. Da bi ispunio viziju i misiju, CEM djeluje u okviru 3 strateška pravca

Oснаženi mladi ljudi sa prostora srednje Bosne ostvaruju svoja prava i aktivno doprinose razvoju demokratskog društva na putu ka evropskim integracijama.

- Razviti kapacitete omladinskih lidera da aktivno praktikuju, promovišu volonterizam i omladinski aktivizam u lokalnoj zajednici
- Razviti funkcionalne omladinske politike prilagođene potrebama lokalnih zajednica Srednje Bosne
- Kreirati sistem podrške implementaciji zakona o mladima FBiH
- Kreirati uslove za pristup informacijama koje su relevantne mladim ljudima

Razvijene i samoodržive organizacije civilnog društva u SB, u skladu sa standardima kvaliteta i u partnerskoj saradnji sa javnim i privatnim sektorom odgovaraju na potrebe i interese građana.

- Podržati izgradnju institucionalnih i tehničkih kapaciteta OCD-a u SB.
- Pojačati uticaj OCD-a u procesu kreiranja i implementacije javnih politika na prostoru SB
- Promocija i jačanje transparentnosti i profesionalizma djelovanja NVO.

- Facilitacija i podrška razvoju dijaloga i partnerstva vlasti i civilnog društva kroz razvoj i primjenu sporazuma o međusektorskoj saradnji

Osiguran održiv razvoj organizacije

- Osigurati sredstva za rad i razvoj organizacije
- Poboljšati saradnja sa drugim OCD (lokanim i međunarodnim)
- Razviti ljudske resurse
- Izgraditi funkcionalnu organizacionu strukturu
- Prepoznata vrijednost i kvalitet rada CEM-a
- Implementirati razvojne planove organizacije

Ciljne grupe CEM-a su svi mladi bez obzira na nacionalnu, religijsku, rasnu, seksualnu i druge pripadnosti i opredjeljenja od 13-30 godina, vladin sektor, i organizacije civilnog društva.

1.4. Vrijednosti i principi koji vode našu praksu

- Cjeloživotno učenje kroz neformalno obrazovanje
- Jednake mogućnosti za sve
- Inovativni pristup razvoju zajednice
- Promocija volonterizma i aktivizma
- Mladi ljudi kao donosioci pozitivnih promjena u društvu
- Prihvatanje i uvažavanje različitosti
- Promovisanje nediskriminacije i tolerancije
- Društvena odgovornost
- Promovisanje i poštivanje ljudskih prava
- Lični i socijalni razvoj
- Razvoj i promocija timskog rada
- Promocija zdravog okruženja

1.5. Pravci djelovanja

Omladinski rad - Omladinski rad obuhvata aktivnosti i programe zasnovane na metodama i principima neformalnog obrazovanja sa ciljem da potpomogne razvoj mladih ljudi u svjesne, odgovorne i aktivne članove zajednice, radeći na kreiranju uslova za ostvarivanje njihovih punih potencijala.

Omladinski rad u Bosni i Hercegovini zasnovan je na istraživanju potreba i problema mladih ljudi kao i na iznalaženju mogućih rješenja.

Zasnovan na dobrovoljnom učestvovanju mladih u sadržajima koji im se nude, omladinski rad je prvenstveno obrazovnog karaktera.

Osim zanja o određenim temama koje se obrađuju kroz programe i aktivnosti, mladi ljudi kroz njih stiču lične i društvene vještine potrebne u svakodnevnom životu (samopouzdanje, lična i društvena odgovornost, komunikacijske vještine, donošenje odluka, vještine rješavanja konflikta, vještine planiranja itd.) koje su im potrebne da bi imali kontrolu nad svojim životima utemeljenu na zdravim odlukama i životnim izborima. Cijeneći mlade ljude i prihvatajući ih kao punopravne i jednake članove društva, sa povjerenjem im se pružaju prilike za preuzimanje odgovornosti i pomaže im se da uče iz tih iskustava.

Omladinski rad za mlade i sa mladima promoviše nezavisnost i odgovornost mladih ljudi kako bi oni bili osnaženi da samostalno preuzmu inicijativu i budu nosioci društvenih promjena.

Svi naši programi i aktivnosti, u okviru rada sa mladima, se fokusiraju na poštivanje principa neformalne edukacije (jednakost, nediskriminacija, tolerancija, timski rad...) i kreiranje programa koji odgovaraju stvarnim potrebama mladih ljudi.

Omladinska politika - Omladinska politika (politika prema mladima ili popularno strategija prema mladima) predstavlja konkretan dokument donešen u nekoj društvenoj zajednici (npr.općini) s ciljem da se položaj mladih poboljša i njihovi problemi rješavaju. Samo postojanje omladinske politike ukazuje na to da u toj zajednici postoji svijest o problemima mladih i volja da se oni riješe. Ona je dokaz postojanja systemske brige za mlade.

Prepoznavši omladinsku politiku i slične zakonske regulative za mlade kao alat za poboljšanje sveukupnog položaja mladih ljudi, Centar za edukaciju mladih je jedan od

strateških ciljeva odlučio posvetiti zagovaranju, kreiranju i promociji dokumenata, strategija i zakonskih regulativa za mlade.

Edukacija - Zbog nedostatka dovoljno efikasnog modela fleksibilnog formalnog obrazovanja, neformalna edukacija je nosilac smanjenja jaza između postojećeg i potrebnog obrazovanja, naučnih disciplina i želja i potreba mladih ljudi. Neformalna edukacija se sprovodi kroz aktivnosti kao što su kursevi, radionice, seminari, treninzi, predavanja, konferencije, ali i kroz volontiranje.

Kroz dugi niz godina korištenja neformalne edukacije kao metoda razvoja kapaciteta mladih ljudi, Centar za edukaciju mladih osposobljava omladinske lidere i vršnjačke edukatore koji su spremni prenositi znanja i vještine drugim mladim ljudima i biti nosioci društvenih promjena.

Neformalno obrazovanje podržava obrazovanje koje traje cijelog života.

Informisanje - Informisanje predstavlja jedan od glavnih preduslova za poboljšanje sveukupnog položaja mladih ljudi, i za kvalitet i kvantitet njihovog angažmana u razvoju lokalne zajednice, kao i brige o vlastitom životu.

CEM je razvio različite modele informisanja mladih (Info park, omladinski portal, info desk, omladinski klubovi) i radi na konstantom i inovativnom pristupu razvoja novih i unapređenja postojećih modela informisanja mladih.

1.6. Centar za edukaciju mladih kao Regionalni resursni centar

NOVI VID JAČANJA LOKALNIH NEVLADINIH ORGANIZACIJA

U septembru 2010.godine u prostorijama Centra za promociju civilnog društva u Sarajevu održan je prvi osnivački sastanak i definisanje ciljeva i pravca djelovanja Mreže resursnih centara, koju za sada čine 5 organizacija: Centar za edukaciju mladih iz Travnik, DON iz Prijedora, ToPeer iz Doboja, CGS iz Livna, i Centar za promociju civilnog društva - CPCD iz Sarajeva.

Centar za edukaciju mladih kao Regionalni resursni centar djeluje na prostoru Srednjobosanskog kantona i općine/grada Zenice, pokrivajući na taj način 12 općina u FBiH.

Cilj mreže je jačanje i razvoj lokalnih nevladinih organizacija, koje u većini slučajeva svojim kapacitetima obezbjeđuju podršku i usluge brojnim korisnicima, posebno u lokalnim sredinama.

Korisnici mreže resursnih centara

- Formalne i neformalne grupe građana
- Biznis sektor
- Organizacije civilnog društva
- Vladine institucije
- OCD mreže i koalicije
- Javne obrazovne i kulturne institucije
- Donatori

Vizija Resursnog centra

Razvijene i samoodržive organizacije civilnog društva u BiH, koje u skladu sa standardima kvaliteta i u partnerskoj saradnji sa vladinim i privrednim sektorom odgovaraju na potrebe i interese građana.

Misija Resursnog centra

Misija MRCa je jačanje OCDa i lokalne zajednice u BiH kroz informisanje, edukaciju, savjetovanje i druge vrste pomoći, podrška umrežavanju, izgradnji koalicija i partnerstva između vlasti civilnog društva i poslovnog sektora.

Strateški pravci Resursnog centra

- Podrška izgradnji OCD-a u BiH kao faktora promjena kroz podršku izgradnje institucionalnih i tehničkih kapaciteta.
- Povećanje uticaja OCD-a u procesu kreiranja javnih politika u lokalnoj zajednici kroz umrežavanje i izgradnju zajedničkih koalicija, zagovaranje i druge oblike zajedničkog djelovanja i uticaja.
- Promocija i jačanje transparentnosti i profesionalizma u djelovanju NVO kroz promociju standarda kvaliteta i etički kodeks NVO.
- Kontinuirano podizanje vlastitih institucionalnih i tehničkih kapacitetamreže a u cilju što efikasnijeg ostvarivanja osnovne misije i ciljeva mreže, kroz

osiguranje samoodrživosti u periodu od 2-3 godine, kroz različite izvore finansiranja.

- Facilitacija i podrška razvoju dijaloga i partnerstva vlasti i civilnog društva kroz razvoj i primjenu sporazuma o međusektorskoj saradnji.

Strateški pravci se implementuju kroz:

- Informisanje i edukaciju
- Umrežavanje i koalicije
- Mobilizaciju lokalnih zajednica
- Facilitaciju i izgradnju partnerskih odnosa sa (lokalnim) vlastima
- Izgradnju odnosa sa medijima
- Unaprjeđenje zagovaranja

1.7.Ljudski resursi Centra za edukaciju mladih

Omladinski radnici/ce/ Projektni koordinatori

Volonteri/ke

Skupština

Upravni odbor

Menadžment tim

1.7.1. Centar za edukaciju mladih upošljava obrazovane ljude sa stručnim znanjima iz oblasti rada s mladima, sistemskog planiranja, projektnog menadžmenta, marketinga, finansija itd.

CEM koristi internu i vanjsku stručnost kako bi izgradio tim koji radi na ispunjenju strateških pravaca organizacije, vizije i misije.

Tim Centra za edukaciju mladih posjeduje različita znanja, vještine i iskustvo, ali svi dijele istu viziju, misiju i vrijednosti koje su karakteristične za našu organizaciju. Kreativnost i sposobnost rada sa ljudima osobine su svih uposlenih.

1.7.2. Pored pohađanja različitih vidova doedukacije, svi uposleni Centra za edukaciju mladih posjeduju certifikate Univerziteta u Jönköpingu (Švedska) – School of education and communication, i Univerziteta u Zenici – Pedagoškog fakulteta za program „Liderstvo i razvojni omladinski rad u zajednici A i B nivo“, što Centar za edukaciju mladih čini jednom od rijetkih organizacija koje posjeduju profesionalno obučeni kadar za rad sa mladim ljudima.

CEM u svom stručnom timu ima i menadžera upravljanja kvalitetom u NVO sektoru, certificiranog od strane Slovenskog instituta za kvalitet/SIQ (**ISO 9001:2008 u NVO**).

2.Godišnji izvještaj za 2011.godinu

2.1. Osnaživanje ljudskih resursa

Od samih početaka svog postojanja Centar za edukaciju mladih radi na osnaživanju kapaciteta uposlenih organizacije s ciljem povećanja profesionalnosti u radu organizacije u skladu sa europskim standardima i dosezanja većeg nivoa kvaliteta u kreiranju i implementaciji svih programa organizacije.

Tokom 2011.godine uposleni/e CEM-a su pohađali/e sljedeće treninge:

2.1.1. Trening „Tehnike mentorstva“

Trening „Tehnike mentorstva“ je organizovan od strane Centra za pomoć civilnog društva Sarajevo.

Trening je održan u Sarajevu u martu 2011.godine, a treningu su prisustvovali predstavnici organizacija civilnog društva.

2.1.2. Trening „Javno zagovaranje“

Trening je održan u Sarajevu u maju 2011.godine, a organizovan je od strane Centra za pomoć civilnog društva Sarajevo.

2.1.3. UNFPA - “Investing in Youth: Path to Accelerated Development”

Predstavnik Centra za edukaciju mladih je bio pozvan od strane UNFPA da prisustvuje regionalnoj konferenciji posvećenoj mladima sa prostora jugoistočne Europe i centralne Azije. Konferencija je održana u Istanbulu od 09 do 13.05. 2011.godine, uz prisustvo

predstavnik UNFPA, državne vlasti i nevladinih organizacija svih zemalja sa prostora jugoistočne Europe i centralne Azije.

2.1.4. Set od 4 treninga; internacionalni program „ALTYO“

U periodu od juni –decembar 2011.godine uposleni Centra za edukaciju mladih pohađaju edukativni program ALTYO – Advocacy and lobbying trainings for youth organization (Zagovaranje i lobiranje za omladinske organizacije), u zajedničkoj organizaciji PRONI Brčko, Triangolnik Makedonija, Forum MNE Crna Gora i ERYICA (European youth information and counseling agency). "

4 treninga (višednevni moduli) na temu zagovaranja i lobiranja su održani u Brčko Distriktu i Makedoniji (Ohrid).

2.1.5. Set od 4 treninga; program „Jačanje odgovornosti u budžetskom procesu“

CPCD Sarajevo sa projektnim partnerom, firmom INNOVA Management Consulting, realizuje edukativni program „Jačanje odgovornosti u budžetskom procesu“.

Kroz ovaj program vrši se obuka nevladinih organizacija o reformama koje su u oblasti javnih finansija provedene proteklih godina u Bosni i Hercegovini.

Obuka se sastoji od niza treninga, a 4 su održana u periodu juli-novembar 2011.godine u Sarajevu. U obuci učestvuje i Centar za edukaciju mladih.

2.1.6. Pisanje poslovnog plana

U augustu 2011.godine REZ je u saradnji sa Norveškom ambasadorom organizovao trening „Pisanje poslovnog plana“ .

Trening je održan u Travniku, i prisustvovao mu je predstavnik Centra za edukaciju mladih.

2.1.7. Trening „PULS metodologija“

Uposleni Centra za edukaciju mladih su u novembru 2011. prošli kroz obuku za primjenu PULS metodologije za teritorij općine Travnik.

Trodnevna obuka je organizovana u Laktašima kraj Banjaluke, u saradnji Razvojne agencije EDA iz Banjaluke i Centra za promociju civilnog društva iz Sarajeva.

PULS metodologija, odnosno Poboljšanje usluga lokalne samouprave je dio šire inicijative unapređenja odgovornosti i efikasnosti lokalnih vlasti u BiH u pružanju javnih usluga i zadovoljenje stvarnih potreba građana kroz aktivniju ulogu civilnog društva. Metodologiju je razvila Razvojna agencija EDA, a inicijativu i realizaciju projekta radi Fond otvoreno društvo BiH u partnerstvu sa organizacijama civilnog društva u Bosni i Hercegovini.

2.2. Realizovane radionice u 2011.godini

2.2.1. Volonterska radionica

Tema radionice: Volonterizam u zajednici

Ciljevi i podciljevi radionice:

- Promocija volonterizma u zajednici
- Implementacija volenterske politike na nivou organizacije
- Učešće volontera u planiranju, organizaciji i implementaciji volenterskih projekata CEM-a
- Edukativne volenterske razmjene

CEM se bavi promocijom i unapređenjem volonterizma u zajednici. Učešće u realizaciji volenterskih projekata CEM-a uzelo je oko 150 volontera iz tri općine, Travnik, Vitez i Zenica.

Volonteri Centra za edukaciju mladih su u 2011.godini učestvovali u 5 javnih akcija koje se imale za cilj promociju omladinskog informativnog portala www.opet.ba. Akcije su se sastojale od postavljanja mobilnih informatičkih štandova na kojima su građani Travnika imali priliku besplatno koristiti usluge wireless mreže CEM-a i vidjeti šta nudi omladinski informativni portal. Ovim akcijama je direktno obuhvaćeno preko 1500 građana Travnika.

Volonteri/ke CEM-a u sklopu svojih redovnih aktivnosti imaju jednom mjesečno i prezentaciju na odabranu temu. Temu prezentacije biraju sami na osnovu svojih potreba

i prenose je drugima kroz interaktivnu prezentaciju na koju su svi dobrodošli. Na ovaj način, kroz druženje i zabavu volonteri/ke prenose znanja i vještine jedni drugima. Prosjek posjećenosti jedne prezentacije je oko 20 mladih ljudi, što znači da kroz dvanaest mjeseci prezentacije posjeti oko 240 mladih ljudi.

U sklopu svojih redovnih aktivnosti volonteri/ke CEM-a također samoinicijativno posjećuju i Dom za stara i iznemogla lica u Travniku. Ove godine grupa od sedamnaest članova volontera/ki CEM-a je 4 puta posjetila ovu ustanovu i na taj način iskoristila svoje slobodno vrijeme.

Tokom 2011.-te godine, volonteri/ke CEM-a su učestvovali u raznim uličnim akcijama, od kojih izdvajamo uličnu akciju u Sarajevu pod nazivom Human Area Generation. Akcija je održana 24.09.2011- godine ispred Katerdale u Sarajevu. U akciji je učestvovalo 17 volontera/ki CEM-a i 6 volontera/ki iz partnerske organizacije LINK iz Sarajeva. Akcija je imala za cilj predstaviti prava mladih u Evropskoj Uniji i na taj način ukazati u kakvom se položaju nalaze naši mladi ljudi u odnosu na mlade ljude koji žive u EU.

Osim uličnih akcija, volonteri/ke CEM-a su učestvovali i u kreiranju omladinske politike prema mladima na području općine Travnik, i na kreiranju Školske alkohol politike.

Neki od volontera/ki su imali mogućnost da kroz CEM-ov program „Travel for knowledge“ iskuse volontiranje i učenje u nekoj od evropskih zemalja (detaljnije pojašnjeno pod projektima).

Volonteri CEM-a Zenica su učestvovali u projektu „Studiraj, volontiraj“ koji su realizovali OKC iz Banja Luke i UG Nešto više iz Sarajeva. Studenti-volonteri prošli su kroz obuku o volonterskom menadžmentu, a nakon toga praktično su volontirali u različitim nevladinim organizacijama u univerzitetskim gradovima Tuzli, Banja Luci i Zenici. U CEM-u Zenica uspješno je program završilo 4 volontera koji su implementirali radionice za djecu i mlade, i niz promotivnih aktivnosti. Na kraju projekta upriličena je konferencija u Sarajevu gdje su volonteri predstavili svoja iskustva i pričali o mogućnostima za zaposlenje.

U toku augusta, volonterka CEM-a Zenica je učestvovala na kampu za mlade u organizaciji bugarske organizacije Evroalternativi 21 na temu „Razvijanje seoskog preduzetništva“ koji se implementirao u Bugarskoj.

U augustu je u Zenici organizovana fokus grupa za mlade na temu „Nezaposlenost mladih u BiH“ gdje su mladi imali priliku da pričaju o najvećem problemu sa kojim se susreću, te različitim povezanim problemima koji nastaju zbog nebrige o mladima u našoj državi. U fokus grupi je učestvovalo deset mladih volontera.

12.08. se u svijetu obilježava kao Međunarodni dan mladih, pa su volonteri CEM-a Zenica na poziv mladih Crvenog križa Zenica učestvovali u Paradi mladosti i ujedno promovisali projekat „Stil života bez alkohola“. Na paradi je učestvovalo oko 30 volontera Centra za edukaciju mladih.

CEM Zenica podržao je različite aktivnosti ostalih nevladinih organizacija u Zenici, kao i javnih ustanova, kao što su: projekat „Budi mi prijatelj“ u organizaciji UG Svjetlost, otvaranje Sigurne kuće za djecu u organizaciji UG Medica, projekat „Ljeto u biblioteci“ u organizaciji JU Javna biblioteka u Zenici, godišnja promocija rada UG Input, projekat „Stariji brat, starija sestra“ UG Medica, raznovrsne radionice organizacije CURE, akcija čišćenja „Zeničko proljeće“, projekat „Aktivizam u mladosti, profit u starosti“ UG Dom mladih Zenica i mnogi drugi.

U decembru 2011.godine volonteri/ke su posjetili i Odjel pedijatrije Kantonalne bolnice Travnik i sa mališanima priredili zabavni sadržaj.

S obzirom da se CEM bavi promocijom unapređenjem volonterizma i omladinskog aktivizma u zajednici, volonteri/ke CEM-a učestvuju u svim programima i projektima koje CEM realizuje.

Bitno je naglasiti da su svi ovi mladi ljudi prethodno prošli kroz različite obuke i treninge, svoje poslove obavljaju veoma stručno i profesionalno, uz nadzor educiranih i certificiranih omladinskih radnika/ca CEM-a.

Na prostoru Centralne Bosne, Centar za edukaciju mladih okuplja 67 aktivnih volontera/ki

2.2.2. Radionica gitare/muzička radionica

Tema radionice: Socijalizacija mladih ljudi kroz osnove sviranja gitare
Ciljevi i podciljevi radionice:
<ul style="list-style-type: none"> • Formiranje grupe mladih ljudi koji dolaze iz različitih društveno-socijalnih slojeva (manjine i marginalizovane grupe) • Podrška i pružanje prilike mladima da nauče svirati gitaru • Timski rad • Razvijanje osjećaja za kulturu kod mladih

Veliki broj mladih pokazuje želju da nauči svirati neke od instrumenata, pa je tako nastala ideja za ovu radionicu.

Učešće u realizaciji Muzičke radionice CEM-a uzelo je oko **45** članova iz MZ Turbe. Muzička radionica je počela sa radom u augustu 2011. godine i tokom 4 mjeseca svoga rada je organizovala dva kulturna događaja (koncerti) koja su uveliko promijenila gledanje na kulturno obrazovanje u ovoj Turbetu.

Zadnja aktivnost koja je se desila u organizaciji ove radionice je koncert koji je se održao u prepunom caffe baru IGUANA. Koncert je pripremljen i urađen od strane 40 volontera. Sam koncert je bio mješavina istorijskog dijela kulturnih dešavanja u MZ Turbe kroz kratke filmove koje su radili volonteri CEM kluba Turbe i muzičkog dijela gdje je se predstavila Muzička radionica.

2.2.3. Radionica „Izviđači“
Tema radionice: Ekologija
Ciljevi i podciljevi radionice:
<ul style="list-style-type: none"> • Edukacija mladih na polju ekologije • Razvijanje izviđačkih vještina • Treninzi (prva pomoć, zaštita od NUS-a, topografija, kretanje u prirodi) • Promocija kulturno historijskog nasljeđa

CEM klub Turbe se bavi promocijom zdravog života i kulturno istorijskog blaga u zajednici. Radionica okuplja **27 mladih ljudi**, volontera Centra za edukaciju mladih.

Izradom Edukativnih kratkih filmova o kulturno historijskom blagu MZ Turbe ova radionica promoviše svoju zajednicu i razvija svijest ljudi o važnosti zaštite kulturnih spomenika sa prostora Turbeta.

Tokom protekle godine urađena su 4 kratka filma koja su postavljena na web (youtube) i za kratko vrijeme dostigla gledanost koja prelazi cifru od 8000 posjeta.

Filmove je direktno vidjelo preko 400 mladih ljudi sa područja MZ Turbe. Ovaj film je također prikazivan i dva puta u prostorijama kluba CEM Turbe, gdje je prisustvovalo oko 40 mladih ljudi.

2.2.4. Radionica „Seksualno i reproduktivno zdravlje“
Tema radionice: Zdravlje mladih
Ciljevi i podciljevi radionice:
<ul style="list-style-type: none"> • Edukacija mladih na polju seksualnog i reproduktivnog zdravlja • Informisanje mladih • Socijalizacija mladih

Tokom mjeseca marta u Stručnoj zanatskoj školi u Zenici organizovane su edukativne radionice na temu seksualno i reproduktivno zdravlje.

Kako preko 80% učenika ove škole čine mladi iz ruralnih područja koji nemaju adekvatan pristup informacijama, i kako je u prethodnoj školskoj godini prijavljeno devet maloljetničkih trudnoća, pedagogica škole je uputila poziv u organizaciju kako bi se implementirale ove radionice. Učenici su upoznati sa različitim temama, kao što su: seksualnost mladih, spolna higijena, spolni odnos, kontracepcija, menstruacija i slično.

Kroz radionice je prošlo preko **400** mladih ljudi.

Kroz radionice Centra za Edukaciju Mladih ukupno je prošlo preko 470 mladih ljudi.

2.3. Kursevi realizovani u 2011. godini

2.3.1. Kurs informatike
Tema kursa: Učenje osnova MS Office-a i Internet Explorera

Ciljevi i podciljevi kursa:
<ul style="list-style-type: none"> • Razvoj ličnih sposobnosti iz oblasti informatike • Sticanje osnovnog znanja o računarima • Povezivanje mladih koji dolaze iz različitih društveno-socijalnih slojeva (manjine i marginalizovane grupe)

CEM je i ove godine uspješno provodio kurs informatike, tj. osnova rada na računarima. Kurs u trajanju od tri mjeseca obuhvata osnove rada u paketu Microsoft Office (MS Word, Excell, Power Point) i Internet Explorer, odnosno pretraživanje i korištenje interneta.

Održana su 2 ciklusa, a kurs je uspješno završilo 21 polaznik/ca. Kroz kurseve Centra za edukaciju mladih ukupno je prošlo 21 mlada osoba.

2.4. Realizovani treninzi u 2011.godini

2.4.1. Trening „Pisanje projektnih prijedloga“
Teme treninga:
Priprema i pisanje projektnih prijedloga, priprema budžeta za projekte
Cilj i podcilj treninga:
<ul style="list-style-type: none"> • Obuka aktivnih članova zajednice koji djeluju u NV sektoru • Podrška pri apliciranju za fondove i održivom razvoju udruženja i neformalnih grupa građana
Učesnici treninga:
<ul style="list-style-type: none"> • Organizacije civilnog društva sa područja Srednjobosanskog kantona i grada Zenice • Romska udruženja

Trening je održan 2 puta i pohađao/la ga je 31 polaznik/ca.

2.4.2. Trening „Poslovna komunikacija i javni nastup“
Teme treninga:
Poslovno komuniciranje i odnosi s javnošću
Cilj i podcilj treninga:
<ul style="list-style-type: none"> • Obuka aktivnih članova zajednice koji djeluju u NV sektoru • Socijalizacija, razvijanje vještina poslovnog komuniciranja i odnosa s javnošću
Učesnici treninga:
<ul style="list-style-type: none"> • Organizacije civilnog društva sa područja Srednjobosanskog kantona i grada Zenice

Trening je održan 1 put, a pohađao/la ga je 17 polaznik/ca

2.4.3. Trening „Zagovaranje i lobiranje“
Tema treninga:
Osnove zagovaračkih kampanja u zajednici
Cilj i podciljevi treninga:
<ul style="list-style-type: none"> • Približavanje procesa i važnosti zagovaranja ideje mladim ljudima i mladima romske populacije • Pravilno definisanje problema/ideje za zagovaranje • Upravljanje procesom zagovaranja i lobiranja
Učesnici treninga:
<ul style="list-style-type: none"> • Mladi ljudi sa područja općine Vitez i mladi romske populacije

Trening je održan 1 put, a pohađalo ga je 16 polaznika/ca.

2.4.4. Trening „Vještine facilitacije“
Teme treninga:
facilitacija u svrhu ispitivanja potreba, radnog sastanka/dogovora, facilitacija procesa grupnog odlučivanja, facilitacija fokus grupe, facilitacija u svrhu učenja
Cilj i podciljevi treninga:
<ul style="list-style-type: none"> • Pобољшanje vještina facilitacije/moderiranja • Vršnjačka edukacija • Razvoj i izgradnja tima • Razvijanje saradnje, tolerancije i međusobnog povjerenja

<ul style="list-style-type: none"> • Upravljanje neslaganjima i sukobima u raspravi • Razumijevanje uloge facilitatora/moderatora • Postavljanje jasnih ciljeva moderacije/facilitacije
Učesnici treninga:
<ul style="list-style-type: none"> • Mladi ljudi sa područja cijele BiH, predstavnici omladinskih organizacija sa fokusom na vršnjačku edukaciju

Trening je održan 2 puta i pohađalo ga je 32 mladih ljudi.

2.4.5. Trening „Menadžment aktivnosti“
Tema treninga: Osnove organizovanja prezentacija i radionica
Cilj i podcilj treninga:
<ul style="list-style-type: none"> • Obuka aktivnih mladih o menadžmentu aktivnosti ljudi koji djeluju unutar omladinskih udruženja/organizacija/ • Promocija vršnjačke edukacije
Učesnici treninga:
Mladi ljudi sa područja cijele BiH, predstavnici omladinskih organizacija sa fokusom na vršnjačku edukaciju

Trening je pohađalo 19 članova.

2.4.6. Trening „Izgradnja i razvoj tima“
Teme treninga:
Osnove timskog rada, socijalne vještine koje su potrebne za timski rad, liderstvo u timskom radu, prednosti i nedostaci rada u timu, timske uloge
Cilj i podciljevi treninga:
<ul style="list-style-type: none"> -Edukacija polaznika treninga o izgradnji i razvoju tima i podsticanje mladih ljudi da steknu vještine koje su potrebne za timski rad -Obuka aktivnih članova zajednice koji djeluju u NV sektoru, mjesnim zajednicama, učeničkim vijećima -Poboljšavanje odnosa u timu kako bi se doprinijelo konstruktivnom obavljanju zadataka
Učesnici treninga:
<ul style="list-style-type: none"> • Volonteri CEM-a Zenica

Trening je pohađalo 17 volontera/ki.

Tokom 2011. godine u organizaciji CEM-a je održano 6 treninga kroz koje je prošlo 132 korisnika naših programa.

2.5. Realizovani projekti u 2011. godini

2.5.1. Naziv projekta: „Mreža resursnih centara“

U toku 2011. godine, Mreža resursnih centara nastavila je svoje aktivnosti u cilju jačanja organizacija civilnog društva, pojedinaca, i donosioca odluka, kao i drugih relevantnih subjekata na području Bosne i Hercegovine.

Izgrađivali su se kapaciteti članica mreže kroz razne edukativne aktivnosti, a sama Mreža je pružila veliki broj treninga i radionica za organizacije civilnog društva u BiH, baziranih na njihovim stvarnim potrebama.

CEM je implementirao nekoliko treninga, radionica i prezentacija na području Centralne Bosne, a također je uradio i veliki broj mentorstva za organizacije iz Centralne Bosne i Hercegovine.

Održan je i sastanak strateškog planiranja Mreže resursnih centara, u prostorijama domaćinske organizacije CEM.

Sastanak je održan 09.11.2011. godine, a prisutvovale su članice Mreže; ToPeer iz Doboja, DON iz Prijedora, CGS iz Livna, Centar za promociju civilnog društva iz Sarajeva, i Centar za edukaciju mladih iz Travnika.

Na ovom radnom sastanku su planirane strateške mjere i mehanizmi potpore, odnosno osnaživanja organizacija civilnog društva, neformalnih grupa i pojedinaca za period od narednih 5 godina.

Serijski uvodni radionice /prezentacija o uvođenju sistema kvaliteta za NVO

Uvođenje sistema kvaliteta u radu organizacija civilnog društva sve više postaje trend ne samo u zemljama regiona već i u BiH. Sistem kvaliteta u radu podrazumijeva određeni nivo standarda u radu i pružanju usluga korisnicima, što organizacije civilnog društva čini konkurentnijim na „tržištu“

Organizacije civilnog društva sve više rade sa javnim i privatnim sektorom i od njih se traži da pokažu da pružaju kvalitetne usluge i da efikasno i efektivno upravljaju svojim organizacijama, često i u otežanim uslovima rada. Uz sve to, većina organizacija se suočava sa sve većom konkurencijom u vidu

organizacija koje pružaju slične usluge. Posvećenost kvalitetu je način na koji organizacija može dokazati da radi u najboljem interesu svojih članova i korisnika i u cilju ostvarivanja svoje misije.

U sklopu realizacije programa "Održivi razvoj NVO sektora u BiH" koji finansira USAID, predviđena je podrška uvođenju i promociji sistema osiguranja kvaliteta za NVO. Cijela inicijativa je započeta još 2005. godine, osnivanjem koalicije NVO "Kvalitet.ba" koja je imala zadatak da razmotri postojeće modele osiguranja kvaliteta rada NVO i da odgovarajući sistem upravljanja kvalitetom "raširi" na što veći broj organizacija civilnog društva u BiH.

Nakon saradnje sa Slovenačkim institutom za kvalitet (SIQ) tokom osam mjeseci, kada su neophodna znanja i vještine prenošeni na bh. organizacije, Centar za promociju civilnog društva u saradnji sa Regionalnim resursnim centrima organizovao seriju uvodnih radionica / prezentacija u gradovima: Tuzla, Doboj, Bihać, Mostar, Travnik, Livno i Banja Luka.

Učesnicima su predstavljene osnovne karakteristike NVO Standarda kvaliteta:2008, kao i način uključivanja zainteresovanih organizacija u program.

Održan je i promotivni skup „Prezentacija preporuka- za izgradnju partnerstva bh.vlasti, civilnog društva i Evropske unije u procesu evropskih integracija“!

Preporuke su rezultat rada mreže nevladinih organizacija okupljenih pod imenom Mreža „Sporazum plus“ koja broji 402 organizacije iz cijele Bosne i Hercegovine i sadrže set koraka i aktivnosti koje je neophodno poduzeti od strane organizacija civilnog društva, predstavnika vlasti, delegacije Evropske unije i donatorske zajednice u BiH, kako bi se mobilisali svi raspoloživi resursi u cilju povećanja kvaliteta života i dostizanju standarda u u mnogim oblastima kao što su obrazovanje, zdravstvo, komunalne usluge, zapošljavanje itd.

2.5.2. Naziv projekta: „Travnik wireless city!“

Centar za Edukaciju Mladih je 2010.godine pokrenuo projekat „Travnik wireless city/Travnik grad bežičnog interneta“, koji je nastavljen i u 2011.godini.

Projekat „Travnik wireless city“ ima za cilj stvaranje preduslova i poboljšanje sveukupnog položaja mladih ljudi u općini Travnik, omogućivši im pristup što većem broju informacija relevantnih za različite segmente njihovog života, kako bi se aktivnije uključili u društvene tokove i dali svoj puni doprinos u razvoju zajednice.

Aktivnosti projekta su obuhvatale otvaranje efikasnog i mladima dostupnog Info Parka (HOT-SPOT ZONA, besplatna internet konekcija) koji se nalazi u neposrednoj blizini svih srednjih škola u Općini Travnik.

Centar za edukaciju mladih je kroz 2011.godinu radio na održavanju Info Parka, a urađeno je i 5 promocija Info parka.

Promocije/akcije su se sastojale od postavljanja mobilnih informatičkih štandova na kojima su građani Travnika imali priliku besplatno koristiti usluge wireless mreže CEM-a. Ovim akcijama je direktno obuhvaćeno preko 1500 građana Travnika.

Ovim projektom smo kroz veću informisanost, koja je pravo mladih ljudi, gradili imidž, „komercijalizovali“ omladinski aktivizam, tj. prekinuli njegov „ekskluzivitet“ i ponudili ga i učiniti dostupnim svim mladim ljudima, bez obzira na njihovo mjesto stanovanja, njihovu pripadnost, subkulturu kojoj pripadaju itd.

2.5.3. Naziv projekta: „Strategija za mlade općine Travnik“

Centar za edukaciju mladih je u 2010.godini, zajedno sa Komisijom za mlade općine Travnik, pokrenuo izradu „Strategije za mlade općine Travnik“.

Projekat je okupio sve relevantne sudionike u društvenom životu općine Travnik, koji su direktno ili indirektno odgovorni za kvalitetu života mladih ljudi iz gradskih i prigradskih

područja općine, kako bi se u okviru projekta kreirale radne grupe i uradilo istraživanje potreba mladih ljudi iz općine Travnik.

Radne grupe su ponudile petogodišnje rješenje problematike mladih za oblasti zapošljavanje, zdravstvo, socijalna politika, kultura i obrazovanje, sport, slobodno vrijeme i omladinski rad, mobilnost mladih, participacija i informisanje i zaštita životne sredine.

Na osnovu rada radnih grupa napravio se dokument Strategije za mlade općine Travnik.

U 2011. godini Nacrt dokumenta je prosljeđen Općinskom vijeću na daljnju proceduru.

Općinsko vijeće Travnik, na 34. redovitoj sjednici, održanoj 27.09. 2011. godine, donijelo je Zaključak o utvrživanju Nacrta Strategije za mlade općine Travnik 2012-2016.

Prema istom zaključku, Nacrt Strategije za mlade općine Travnik 2012.-2016. stavljen je na javni uvid i javnu raspravu. Komisija za mlade općine Travnik, Centar za edukaciju mladih i regionalni ured OSCE-a Travnik (koji ima ulogu mentora u cijelom procesu) su organizovali 4 javne rasprave u mjesnim zajednicama Han Bila, Nova Bila, Turbe i Centar. Javne rasprave su imale za cilj prikupljanje sugestija na formu i sadržaj Dokumenta, kao i informisanje javnosti o postojanju Dokumenta.

Početkom 2012. godine Nacrt dokumenta Strategije ide na daljnju proceduru na Općinskom vijeću.

Projekat „Strategija za mlade“ je finansirao UNDP BiH, a sredstva su izdvojena iz projekta „Jačanje lokalne demokratije/demokracije-LOD“.

2.5.4. Naziv projekta: „Alcohol free lifestyle/Stil života bez alkohola“

Centar za edukaciju mladih u saradnji sa omladinskom organizacijom LINK – Udruženje za prevenciju bolesti ovisnosti i smanjenje štete (Sarajevo), je 2010. počeo implementaciju trogodišnjeg projekta pod nazivom „Alcohol free lifestyle“ („Stil života bez alkohola“).

U cilju zaštite i kreiranja zdravog i sigurnog okruženja za mlade ljude u bosanskohercegovačkom društvu, Centar za edukaciju mladih je uz podršku Ministarstva obrazovanja Srednjobosanskog i Sarajevskog kantona pokrenuo ovaj projekat kojim se želi ukazati na problem lake dostupnosti i konzumiranja alkohola među maloljetnim licima, kao i na posljedice koje proizilaze iz ovog problema, a jedna od najizraženijih posljedica u današnjem BH društvu je zasigurno maloljetnička delikvencija.

Iako postoji odgovarajući Zakon o unutrašnjoj trgovini FBiH, koji se odnosi na zabranu prodaje alkohola mlađim licima od 18 godina, i obaveznosti isticanja oznaka na prodajnim mjestima o zabrani njihove prodaje osobama mlađim od 18 godina, maloljetnici i dalje bez velikih problema dolaze u kontakt sa alkoholnim pićima.

Problem konzumacije alkohola među maloljetnicima postaje alarmantan, a godišnja dob počinjanja konzumiranja alkohola postaje sve niža. Lažne priče o povezanosti alkohola sa tradicijom ne idu u prilog prevenciji ove bolesti koja definitivno predstavlja prepreku kako ličnom tako i društvenom napredovanju i razvitku.

Nakon prošlogodišnjih pripremnih aktivnosti i obuke vršnjačkih edukatora sa područja Centralne Bosne, aktivnosti iz 2011. godine i nova generacija edukatora obuhvatile su kompletan teritorij Bosne i Hercegovine.

1.1. Druga generacija vršnjačkih edukatora

U periodu od 28.-30. oktobra 2011. godine, Centar za edukaciju mladih Travnik je u Sarajevu organizovao obuku vršnjačkih edukatora na temu „Alkohol i mladi u BiH“.

Program obuke, po riječima 20 učesnika iz Sarajeva, Travnika, Viteza, Mostara, Banjaluke, Tuzle, Novog Travnika i Bihaća, je potpuno prilagođen mladim ljudima, pružajući potpuno drugačiji pristup samoj problematici konzumacije alkohola među maloljetnicima.

Ono što je izdvajalo ovaj seminar od ostalih, je i nova tema, o kojoj se u BH društvu premalo priča, ali i nova i „svjež“ metodologija rada sa mladima.

Učesnici su imali priliku da slušaju i uče o alkoholu i zakonskim (ne)regulativama u Bosni i Hercegovini, ali i da građane Sarajeva iznenade jednom pozitivnom akcijom ispred BBI Centra.

1.1.1. Healthy mobile bar

29.10.2011.godine u terminu od 11:00-14:00 sati na dijelu platoa ispred BBI Centra učesnici progama su organizovali Healthy mobile bar, pa su posjetiocima, a prvenstveno mladim ljudima, pripremali zdrave i besplatne voćne napitke, i upoznavali ih sa statistikama i posljedicama konzumiranja alkohola.

Ova akcija je iznenadila veliki broj građana Sarajeva, koji su u znak podrške i zahvalnosti pisali preporuke za mlade ljude, kako bi ih što više motivisali da nastave raditi i promovisati zdravo okruženje.

Učesnici programa su treći dan dobili i certifikate da su uspješno pohađali obuku za vršnjačke edukatore, a dogovorene su i buduće akcije ovih mladih aktivista, koje će se ogledati u prezentacijama ove problematike u zajednicama iz kojih dolaze učesnici.

1.1.2. Vršnjačke prezentacije

Timovi vršnjačkih edukatora Centra za edukaciju mladih, projekta „Stil života bez alkohola“ su implementirali 12 prezentacija širom Bosne i Hercegovine o štetnosti konzumacije alkohola.

Prezentacije su imale za cilj ukazivanje na problematiku alkoholizma među mladim ljudima i promociju sigurnog i zdravog okruženja za mlade ljude.

Edukatori su uradili prezentacije svojim vršnjacima/učenicima u MSŠ Travnik (Medicinska škola i Gimnazija) i u SOS Dječijem selu Gračanica (Tuzla), 2 prezentacije u MSEUŠ Travnik, prezentacije u SOS Društvenom centru Hermann Gmeiner Sarajevo, Srednjoj elektrotehničkoj školi Sarajevo, udruženju Narko-ne Sarajevo, prezentaciju u Banja Luci u Omladinskom centru „Zdravo da ste“ i 2 prezentacije u Mostaru, u Općoj Gimnaziji i Egipatskom selu Mostar.

Prezentacije su urađene u periodu 09.-15.12.2011.godine.

Prezentacije je približno vidjelo oko 400 mladih ljudi.

1.1.3. Izašao prvi broj biltena "Živi život bez alkohola"

Mini bilten „Živi život bez alkohola“ nastao je od strane perspektivnih mladih ljudi iz cijele Bosne i Hercegovine, odnosno vršnjačkih edukatora koji imaju zajednički cilj, a to je promocija i zagovaranje zdravog načina života (i zdravog okruženja) bez alkohola među mladim ljudima u današnjem BH društvu.

Ovaj bilten ima za cilj približiti problem maloljetničkog konzumiranja alkohola, ne samo mladim ljudima već cijeloj BH javnosti, pružiti uvid u informacije i vijesti koje pokazuju koliko je ovaj problem zaista velik, i šta se radi na njegovom tretiranju.

Prvi broj biltena je izašao u decembru 2011.godine, a distribuisan je putem internet (web stranice, facebook, mass e-mail). Planirano je da bilten izlazi dvomjesečno.

1.1.4. Daljnja izgradnja kapaciteta

16. i 17.decembra 2011.godine, u Travniku je održan radni seminar na temu „Menadžment aktivnosti“ za vršnjačke edukatore.

Tokom seminara, raspravljalo se o problemu lake dostupnosti i konzumiranja alkohola među maloljetnim licima, o posljedicama koje proizilaze iz ovog problema, kao i o preventivnim radnjama koje će doprinijeti smanjenju lake dostupnosti i konzumaciji alkohola među maloljetnim osobama, odnosno o načinu i vrsti aktivnosti koje mogu vršnjački edukatori da rade u svojim zajednicama.

Također, vršnjački edukatori su prezentovali svoje dosadašnje aktivnosti (prezentacije o štetnosti alkohola po srednjim školama u BiH) i pripremili plan rada za prvi kvartal 2012.godine.

1.2. Mreža društveno odgovornih kompanija

U cilju zaštite i kreiranja zdravog i sigurnog okruženja za mlade ljude u bosanskohercegovačkom društvu, Centar za edukaciju mladih i kampanju stvaranja Mreže društveno odgovornih kompanija u BiH.

Ovom kampanjom želimo senzitivirati društvenu odgovornost i uključiti sve relevantne faktore. Sinergijom vladinog, nevladinog i privatnog sektora i zajedničkim djelovanjem u zajednici rezultati ove kampanje biće nemjerljivo veći.

Kampanjom je predviđeno postavljanje promotivnih materijala u obliku upozoravajućeg kažiprsta koji ima i šaljivi karakter, a koji u našem društvu i kulturi simbolizuje zabranu. Materijali bi se postavljali u objektima u kojima se prodaju alkoholna pića (prodavnice,

ugostiteljski objekti) a koji će imati ulogu stalnog podsjetnika na zabranu prodaje alkohola mladim od 18 godina, kako maloljetnim licima tako i direktnim prodavačima. Zvanični početak kampanje biće medijski promovisan i predstavljen, a uključivaće veliki broj pisanih i elektronskih medija. Kako bi kampanja imala kvalitetniji uticaj u zajednici i društvu, neophodna je podrška i Vaše cijenjene kompanije kao najvećeg prodajnog lanca u BiH za koju smatramo da ima karakter društveno odgovorne kompanije i radi u interesu BH građana, a za koju smatramo da će podržati prave vrijednosti. Inicijativu za stvaranje ove mreže, CEM je podnio vodećim trgovinskim lancima u BiH, a početak kampanje je planiran za početak 2012.godine.

1.3. Inicijativa za formiranje mreže "Životni stil bez alkohola"

U cilju doprinosa procesu borbe protiv zloupotrebe alkohola među djecom i mladima, Centar za edukaciju mladih Travnik i udruženje za prevenciju i smanjenje štete LINK iz Sarajeva pokrenuli su inicijativu za stvaranje neformalne mreže društveno odgovornih organizacija civilnog društva u BiH, koje će u cilju zaštite djece i mladih, a kroz svoje programe, organizacijske vrijednosti i principe, prostore u kojima djeluju i implementiraju aktivnosti, promovisati zdravo i sigurno životno okruženje za djecu i mlade.

U svom dugogodišnjem radu sa mladima i za mlade prepoznali smo niz problema koji utiču na ovu populaciju i njihov kvalitetan razvoj.

Problem alkohola je jedan u nizu problema koji je stalno prisutan među ovom populacijom. Evidentno je da, posljednjih godina, konzumiranje alkohola postaje sve češća pojava među djecom i adolescentima. Prema istraživanjima " 78 % djece u našoj zemlji je izjavilo da je konzumiralo alkohol do 19 godine. Čak su neki alkohol probali i sa devet godina, zbog čega je stanje alarmantno ".

Procjenjuje se da je konzumiranje alkohola među mladima dvostruko veće nego što je bilo u generaciji njihovih roditelja. Prema nezvaničnim podacima 50% svih saobraćajnih nesreća se dešava pod uticajem alkohola ili 80% svih kriminalnih radnji direktno ili indirektno je učinjeno pod uticajem alkohola.

Uzroci ovakvog stanja, velike rasprostranjenosti (zlo)upotrebe alkohola u našem društvu a posebno među djecom i mladima su prije svega: laka dostupnost alkoholnih pića, njihova ogromna promocija putem elektronskih i štampanih medija pod „markicom“ da je to nešto dobro i lijepo, nepostojanje adekvatnih zakona kao i nesprovođenje postojećih. Ukorijenjenost konzumiranja alkohola potiče još iz tradicije i kulture naših naroda. Nedovoljan je broj preventivnih i edukativnih programa koji će mladim ljudima pokazati stvarne i, nažalost, trajne posljedice koje alkohol ostavlja na pojedinca, a u konačnici i na cjelokupnu zajednicu. Jedna od najizraženijih posljedica u današnjem BH društvu je zasigurno maloljetnička delikvencija.

Mreža će u bližoj budućnosti raditi na slijedećim aktivnostima:

- Promocija života bez alkohola među djecom i mladima
- Promocija vrijednosti i principa za koju se zalaže mreža među OCD
- Istraživanje društvenih tokova vezanih za alkohol (konzumacije alkohola, prodaje alkohola, zakonske regulative)
- Akcije u zajednici u cilju prevencije zloupotrebe alkohola među djecom i mladima (mali grantovi koji promovišu životni stil bez alkohola)
- Zagovaranje na svim nivoima vlasti za donošenje zakonskih regulativa i njihovu primjenu

Pristup ovoj neformalnoj mreži imaju sve zainteresovane organizacije civilnog društva sa prostora Bosne i Hercegovine koje prepoznaju ozbiljnost navedenog problema, promovišu ili žele promovisati navedene vrijednosti i principe u cilju kreiranja zdravog i sigurnog okruženja za djecu i mlade.

1.4. Informacije i sprovođenje zakonskih regulativa

U cilju dobijanja što konkretnijih informacija i podataka koje se tiču prodaje alkohola maloljetnicima (poštivanje Zakona o unutarnjoj trgovini BiH), CEM je u 2011.uputio zahtjeve kantonalnim i općinskim Inspektoratima (SBK, ZE-DO i Sarajevski kanton) za dostavljanje informacija po ovom pitanju.

Informacije dobivene od strane Inspektorata poslužile su pri sastancima sa nadležnim organima odgovornim za implementaciju ovog Zakona, a sastanci su rezultirali zajedničkom akcijom promocije i implementacije Zakona, koja će se dogoditi u 2012.godini.

1.5. Kreiranje školske alkohol politike

Jedan od ciljeva projekta jeste i usvajanje Školske alkohol politike u školama širom BiH. Školska alkohol politika je dokument kojim će se regulisati korištenje/konzumiranje i posjedovanje alkohola u toku školskih aktivnosti u prostorijama škole i okruženju škole, a koji će biti ponuđen školama u BiH da se kao takav uvrsi u politiku, odnosno pravilnik o radu škole, kako bi se za učenike kreiralo okruženje koje promovira zdrav život bez alkohola.

CEM je pokrenuo inicijativu kreiranja Školske politike, a na radnom sastanku koji je održan u augustu 2011. prisustvovali su prosvjetni radnici sa područja SBK I ZE-DO kantona, predstavnici Centra za mentalno zdravlje Travnik, učenici, predstavnici vijeća učenika, volonteri CEM-a i uposleni CEM-a. Na sastanku je definisan sadržaj Dokumenta i procedure usvajanja.

Projekat Alcohol free lifestyle finansira IOGT NTO.

2.5.5. Naziv projekta: „Volontiraj – KREDITIRAJ! 2011“

Centar za edukaciju mladih je u sklopu ovog projekta implementovao regrutaciju škola sa područja SBK, Socijalni dan u 3 općine Srednjobosanskog kantona i press konferencije projekta u SBK.

07.10.2011 s početkom u 08:00 h u Velikoj sali Općine Travnik i Sali Općine Novi Travnik obilježen je početak V.Socijalnog dana u sklopu projekta VOLONTIRAJ-KREDITIRAJ.

Zajedno sa partnerskom organizacijom Centar za edukaciju mladih, INFO HOUSE i ove godine organizovao Socijalni dan - dan kada učenici umjesto u škole, idu raditi za simboličnu dnevnicu od 20 maraka, kako bi zaradili novac od kojeg će biti finansirani školski projekti učenika.

Učenicima, poslodavcima i profesorima koordinatorima iz srednjih škola su se obratili predstavnici Centra za edukaciju mladih, stručni saradnik za nevladin sektor Semin Konjalić u Općini Travnik, Refik Lendo načelnik općine Novi Travnik, predstavnici općinskih službi Općine Novi Travnik, kao i druge uvažene osobe koje podržavaju mlade i inicijative usmjerene na razvoj njihovih vještina.

Ove godine je 94 učenika iz 7 srednjih škola sa područja općina Travnik, Novi Travnik i Gornji Vakuf/Uskoplje zamijenilo svoje školske klupe za jedan radni dan.

Učenici škola učesnica (Mješovita srednja ekonomsko-ugostiteljska škola Travnik, Mješovita srednja škola Travnik, Mješovita srednja tehnička škola Travnik, Srednja škola Novi Travnik, Srednja glazbena škola „Jakov Gotovac“ Novi Travnik, Mješovita srednja škola „308.slavna brdska brigada“ Novi Travnik i Mješovita srednja škola Gornji Vakuf/Uskoplje) su raspoređeni na 94 radna mjesta od kojih je 65 na prostoru općine Travnik.

Radna mjesta učenicima ove godine su pružili: Predsjedništvo BiH, Općina Travnik, Općina Novi Travnik, Općina Gornji Vakuf/Uskoplje, Winter d.o.o., Naš dom d.o.o., Nobil d.o.o., JKP Trebišnjica, JU Obdanište Travnik, Unicredit Bank, Sparkasse Bank, BH MAC, BH Telecom, Print-GS Travnik, Prom-ar d.o.o. Travnik, P.T.D. Men d.o.o Travnik, Caffé bar San Francisco Travnik, U.T.D. Best d.o.o. Travnik, Frizerski salon „Rusko“ Travnik, Arizona d.o.o. Novi Travnik, Agrocentar d.o.o. Gornji Vakuf/Uskoplje, Rose Wood d.o.o Gornji Vakuf/Uskoplje i Omladinski centar Gornji Vakuf/Uskoplje.

Volontiraj-KREDITIRAJ je dobitnik prve nagrade Erste fondacije za društvenu integraciju 2008.

2.5.6. Naziv projekta: „Uvođenje i sprovođenje akademskog progama Razvojni omladinski rad u zajednici kroz unapređivanje saradnje u državama zapadnog Balkana“

U 2008. godini pokrenuta je inicijativa između predstavnika organizacija civilnog društva koje sprovode omladinski rad i visokoobrazovnih institucija: Univerzitet Novi Sad, Filozofski fakultet, odjsek za pedagogiju, South East European University (SEEU), Makedonija; Univerzitet Zenica, Fakultet za pedagogiju; BIH; Univerzitet Crne Gore,

Filozofski fakultet; Univerzitet Jončoping, Švedska; Bologna Univerzitet, Italija; Univerzitet Ljubljana, Slovenija; Centar za omladinski rad i neformalno obrazovanje, BIH; Proni centar za razvoj mladih, BIH; Forum MNE, Crna Gora; Triagolnik, Makedonija; Unique mreža, Austrija, Centar za omladinski rad, Novi Sad, Srbija i Centrom za edukaciju mladih.

Osnovna namjera partnerstva je uvođenje akademskih visokoobrazovnih programa u različitim oblicima (dodiplomske studije, specijalističke studije, master studije i izborni predmeti razvojnog omladinskog rada na pomenutim univerzitetima u zapadnom Balkanu). Projekat je odobren od strane Europske komisije kroz program TEMPUS IV u trajanju od 2009.-2011.godine.

Kroz ovaj projekat se namjerava osigurati sprovođenje i uvođenje dodiplomskih studija, specijalističkih i master studija Razvojnog omladinskog rada u zajednici, kao i uvođenje izbornih predmeta u Univerzitetu u Zenici, odnosno Pedagoškom fakultetu.

Kroz ovaj projekat bi se trebala kreirati osnova za instutucionalizaciju dostupnog obrazovanja omladinskih radnika/ca kao i formalnog priznavanja zanimanja/profesije omladinskog rada u Bosni i Hercegovini.

Kreiranje i implementacija se nastavila kroz 2011 godinu, a također biti će nastavljena kroz prvih 6 mjeseci 2012. godine.

2.5.7. Travel for knowledge

Program „Travel for knowledge“ je razvio Centar za edukaciju mladih s ciljem kreiranja uvijeta za povećanje mobilnosti mladih ljudi.

Program se odnosi na omogućavanje volonterima organizacije, stranim studentima i aktivistima da putuju u druge zemlje na seminare, prakse, konferencije, kako bi mogli dijeliti znanja i iskustva i sticati nove vještine u drugom okruženju.

Ono što CEM nudi aktivnim volonterima organizacije jeste mogućnost putovanja na razne edukacije u cijeloj Europi, ukoliko takve postoje, odnosno stranim studentima pruža mogućnost da rade praksu u Centru za edukaciju mladih.

Švedski studenti radili praksu u CEM-u

Elin Helmersson i Marcus Andersson iz Jönköpinga, studenti iz Švedske, u sklopu studija pri Jonkoping University Foundation su u trajanju od 5 sedmica boravili u Travniku i pritom odrađivali svoju praksu u CEM-u.

Univerzitet u Jönköpingu im je ponudio mogućnost da praksu rade u Bosni i Hercegovini, odnosno u Centru za edukaciju mladih kao organizaciji koja je nastala uz finansijsku i tehničku pomoć Švedske.

Elin i Marcus studiraju Međunarodni rad sa fokusom na globalne studije.

Pet sedmica je njihov zadatak bio da "istražuju" organizaciju, i vide na koji način funkcioniše.

Ono čemu su doprinijeli u toku 5 sedmica je razvijanje programa „Travel for knowledge“, kreiranje pravilnika za praksu u CEM-u, razvijanje internacionale saradnje i adaptacija i prevođenje web stranica CEM-a.

Dare to ruin or dare to care

Jedna od aktivnih volonterki Centra za edukaciju mladih, Alina Šehić, imala je priliku ispred organizacije otputovati na seminar koji je organizovan u Rimu, Italija.

Sedmodnevni seminar pod nazivom "Dare to ruin, dare to care ...?" je organizovala Evropska organizacija Active - sobriety, friendship and peace, u trajanju od 24.-30. oktobra 2011. godine.

Seminar je sadržavao razne teme kao što su: Dan historije, Dan čovječanstva, Dan okoline, Generacija ljudskih prava i dan brige (za svijet). Mladi ljudi iz cijele Evrope su imali priliku iznijeti svoje stavove i mišljenja kroz interaktivna predavanja.

Alina je također dio programa „Travel for knowledge“.

Balkan seminar; Alcohol prevention

U periodu od 14.-20.novembra 2011.godine u glavnom gradu Albanije održan je „Balkan seminar-Alcohol prevention“ koji je organizovan uz pomoć norveške organizacije Juvente.

Na seminaru je učestvovalo 20 mladih ljudi iz Srbije, Norveške, Rusije, Albanije, Bosne i Hercegovine i Makedonije.

Seminaru je prisustvovao aktivni volonter Centra za edukaciju mladih, koji je dio programa „Travel for knowledge“

Na seminaru se raspravljalo o alkohol problematici i pružio nova saznanja o korištenju medija kao alata za kreiranje zdravog okruženja bez alkohola za mlade ljude.

2.5.8. Omladinski informativni portal www.opet.ba

Centar za edukaciju mladih u cilju veće informisanosti mladih ljudi kreirao je omladinski portal www.opet.ba koji je za veoma kratko vrijeme postao jedan od najposjećenijih web portala za mlade kako u regionu Srednje Bosne tako i u cijeloj Bosni i Hercegovini. Dnevno ovaj portal posjeti preko **300 korisnika** što na mjesečnoj osnovi čini brojku od **9 000 posjeta**. Web portal www.opet.ba se u velikoj mjeri razlikuje od drugih web portala. Njegova osnovna namjena je da služi mladim ljudima BiH te da im obezbjeđuje neophodne informacije iz oblasti zapošljavanja, edukacije, stipendija/grantova i drugih njima relevantnih polja.

Ovaj portal u svojoj dugoročnoj strategiji ima za cilj da postane jedan od vodećih web informatora za mlade na području cijele BiH.

Web portal je otvorenog karaktera, i oslikava saradnju vladinog i nevladinog sektora, biznis sektora, kao i cjelokupnog civilnog društva. U godinu dana postojanja portala, institucije, privredni subjekti, nevladine organizacije i pojedinci/ke sa područja Bosne i Hercegovine šalju vijesti/oglase/informacije koje su relevantne za mlade ljude i one se besplatno objavljuju.

Volonteri Centra za edukaciju mladih su također učestvovali i u 5 javnih akcija koje se tiču promocije omladinskog portala www.opet.ba. Akcije su se sastojale od postavljanja mobilnih informatičkih štandova na kojima su građani Travnika imali priliku besplatno koristiti usluge wireless mreže CEM-a. Ovim akcijama je direktno obuhvaćeno preko 1 500 građana Travnika.

Opet.ba je ove godine bio i medijski pokrovitelj JobFAIRa 2011. kojeg je po treći put organizovalo udruženje studenata elektrotehnike Evrope EESTEC, Lokalni komitet Sarajevo, (sajam zapošljavanja za studente i diplomce tehničko-tehnoloških fakulteta „JobFair '11 - iskoristi svoju šansu!“)

2.5.9. „Zagovaraj za sebe“

Centar za promociju civilnog društva CPCD Sarajevo sa Centrom za edukaciju mladih implementirao je projekat po nazivom „Zagovaraj za sebe“.

Cilj projekta je bio promocija i zaštita osnovnih ljudskih prava marginalizovanih grupa i jačanje socijalne kohezije i povjerenja u šest općina u BiH, od kojih je jedna i općina Vitez, u kojoj se radilo sa ciljnim grupama mladi i mladi Romi.

Tokom 2011.godine radilo se na informisanju i dizanju svijesti glavnih ciljnih grupa o njihovim bazičnim ljudskim pravima.

Sve ciljne grupe su prošle kroz set edukativnih aktivnosti (radionice, menstorstva, treninzi) kojima je bio cilj izgradnjati kapaciteta ciljnih grupa kako bi sami zagovarali za svoja prava.

Provođenje problemskih kampanja zagovaranja i povećanje učešća projektnih ciljnih grupa u procesu razvijanja i implementacije opštinskih budžeta i ostalih javnih politika koje utiču na svakodnevni život bio je jedan od osnovnih ciljeva projekta.

Cilj je bio kampanjom zagovaranja za razvijanje i usvajanje Kodeksa dobre prakse za marginalizovane društvene grupe ojačati ulogu i odgovornosti lokalnih vlasti u 6 projektnih općina na polju ljudskih prava kao novi pristup politikama za promociju i zaštitu ljudskih prava.

Ciljne grupe: 12 marginalizovanih grupacija u 6 lokalnih zajednica – primarne (stari, invalidi, žene, rasejeni i izbjegli, nezaposleni, manjine) i sekundarne (NVO i aktivni pojedinci, vlasti, javnost, itd.)

Općina Vitez

Na osnovu istraživanja utvrdili smo da na području općine Vitez postoje 2 najugroženije grupe ljudi: Mladi i Romi.

Kroz seriju pripremnih sastanaka definisali smo dvije oblasti u kojima ove dvije skupine mogu da djeluju i to:

Mladi – kreiranje i usvajanje općinske strategije za mlade

Romi – promjene u opštinskoj politici podrške romskoj populaciji kroz proširenje obuhvata i nivoa stipendija za školsku omladinu.

Kroz projekat je uradjeno 6 treninga za ove specifične grupe iz oblasti zagovaranja, planiranja, korištenja općinskih budžeta. Kroz ove treninge prošlo je oko 30 učesnika iz ove dvije marginalizovane grupe. Treninzi su omogućili grupama da urade kampanju zagovaranja i da podnesu inicijativu za realizaciju.

Krajem mjeseca novembra obe ove inicijative su predane na razmatranje općinskom vijeću Vitez.

Donator: Ambasada Kraljevine Holandije

2.5.10. Promocija Zakona o mladima FBiH

Institut za razvoj mladih Kult u saradnji sa Centrom za edukaciju mladih implementirao je projekat promocije Zakona o mladima FBiH na području Srednjobosanskog kantona. Početkom 2011. godine urađeno je niz okruglih stolova (Travnik, Vitez, Jajce) na ovu temu s ciljem približavanja ovog Zakona svima onima kojih se Zakon dotiče.

Također, podijeljen je promotivni materijal u svim općinama Srednjobosanskog kantona kao i printana verzija samog Zakona.

2.5.11. Koalicija za REKOM

Koalicija za REKOM okuplja više od 1500 organizacija civilnog društva, pojedinaca/ki iz svih država nastalih raspadom bivše SFRJ. Među njima su i udruženja roditelja i porodica nestalih osoba, veterana, novinara, predstavnika manjinskih etničkih zajednica, organizacija za zaštitu ljudskih prava i sl.

Koalicija za REKOM predlaže da vlade (ili države) osnuju REKOM, nezavisnu, međudržavnu Regionalnu komisiju za utvrđivanje činjenica o svim žrtvama ratnih zločina i drugih teških kršenja ljudskih prava počinjenih na teritoriji bivše SFRJ u periodu od 1991.-2001.

Centar za edukaciju mladih je tokom 2011.godine kao partnerska organizacija za SBK i ZE-DO kanton sprovodio prikupljanje potpisa za formiranje Regionalne komisije za traženje nestalih na području bivše SFRJ.

2.6. Projekti planirani i implementirani od strane volontera CEM-a

2.6.1.Naziv projekta: Day urban!

Kako bi promovisali svoje aktivnosti i svoje djelovanje, volonteri CEM-a Zenica su organizovali reviju mladih umjetnika pod nazivom Day Urban! koja se desila 07.05.2011. godine na platou ispred robne kuće Bosanka.

Tom prilikom, javnosti su se predstavili mladi roleri, skejteri, brejkeri, plesači i drugi mladi umjetnici koji su zabavljali publiku. Pored toga, volonteri Centra za edukaciju mladih organizovali su i niz aktivnosti kojima su prikupljali novac za svoju sugrađanku Nejru Kurić, oboljelu od leukemije.

Cijeli performans imao je za cilj da promoviše omladinski aktivizam i volonterizam na moderan i zabavan način, kao i da omogući lijepo druženje za mlade Zeničane. U programu je direktno učestvovalo oko 50 mladih ljudi.

2.6.2.Naziv projekta: Humanitarna akcija za Hasiju Karajkić

Tokom jula mjeseca volonteri su organizovali drugu humanitarnu akciju za sugrađanku Hasiju Karajkić oboljelu od raka dojke gdje su prodavali balone i kolače i na taj način skupili preko 500KM, koji su Hasiji značajno pomogli u kupovini lijekova. U ovoj akciji je učestvovalo oko 10 volontera.

2.7. Broj korisnika i medijski nastupi u 2011.godini

Zahvaljujući dosadašnjoj praksi Centra za edukaciju mladih, motivaciji i kvalitetu rada koji je usmjeren na ostvarenje strateških ciljeva organizacije i u 2011. godini raste broj korisnika svih programa CEM-a.

Edukativni programi, treninzi, kursevi i radionice su okupili ca **1280** mladih osoba koje su stekle nova znanja i vještine iz polja omladinskog aktivizma, volonterizma, strateškog planiranja, vršnjačke edukacije i implementiranja aktivnosti.

Sve naše prezentacije i ostali vanjski događaji su imale zavidnu posjetu i indirektno konzumiranje koje prelazi brojku od **50 000**.

Web i mediji

2.7.1. Zvanična stranica CEM-a, www.cem.ba

Tokom 2011. godine Centar za edukaciju mladih je putem svog web portala www.cem.ba. svakodnevnim postavljanjem novih informacija ali i brigom o preglednosti portala, omogućio svim posjetiocima transparentan uvid u sve aktivnosti Centra za edukaciju mladih.

Statistički podaci pokazuju da je ove godine web stranica posjećena **9580** puta, od toga jedinstvenih posjetilaca (posjeta sa IP adrese pojedinačnog računara) u broju od **6579** ili u prosjeku mjesečna posjećenost je oko **550** različitih posjetilaca.

Ove godine je CEM redizajnirao stranicu kako bi je napravio pristupačnijom za pretraživanje, i kako bi omogućio jednostavan pregled aktivnosti.

Cem.ba je ove godine bio i medijski pokrovitelj JobFAIRa 2011. kojeg je po treći put organizovalo udruženje studenata elektrotehnike Evrope EESTEC, Lokalni komitet Sarajevo, (sajam zapošljavanja za studente i diplomce tehničko-tehnoloških fakulteta „JobFair '11 - iskoristi svoju šansu!“)

2.7.2. Web portali koji su popratili naše aktivnosti u 2011. godini

su:

- www.tnt.ba zvanični medijski promotor CEM-a
- www.sarajevo-x.com
- www.hronika.ba
- www.opet.ba
- www.fena.ba
- www.hercegbosna.org
- www.bhmagazin.com
- www.bih-rss.net
- www.sredisnjabosna.com
- www.mladi.info
- www.zenicablog.com
- www.civilnodrustvo.ba
- www.zenica-online.com
- www.nvovijece.ba
- www.ngo.ba
- www.e-travnik.ba
- www.cisoksbsbk.ba

2.7.3. Radio televizijske kuće koje su pratile naše aktivnosti su:

- RT Zenica
- BHT1
- FTV
- TNT radio Travnik
- RP Vitez
- Radio Zenit, Zenica
- Radio Q, Zenica
- BHR1
- TV Kiseljak
- TV 1

2.7.4. Pisani mediji

Dnevni Avaz, Naša riječ i Superinfo su objavljivali informacije o CEM aktivnostima kroz 2011.godinu.

2.8. Ostvarena saradnja i Podrška i jačanje lokalne zajednice

Razvoj partnerstava i njegovanje saradnje sa različitim sudionicima civilnog društva predstavljaju temelj procesa djelovanja na izgradnji društva jednakih mogućnosti za sve, i način postizanja naših ciljeva.

Kao i prethodnih godina, CEM je nastavio saradnju kako sa organizacijama civilnog društva, tako i sa vladinim tijelima i organima uprave.

Podržavaju nas Resursni centri civilnog društva, općine, kantonalna ministarstva tri kantona (SBK, ZE-DO, Sarajevski kanton), obrazovno-odgojne institucije sa područja cijele BiH...

Potpisan je i memorandum o saradnji između Centra za edukaciju mladih, UG

„Tolerancija“ i UG „Vlašić planet života“

U septembru 2011.godine grupa mladih ljudi ispred World Visiona je posjetila omladinske klubove CEM-a u Travniku i Turbetu.

Septembar je donio saradnju Općine Travnik, Centra civilnih inicijativa (CCI) i Centra za edukaciju mladih, pa je održan je Forum odgovornosti, koji je imao za cilj upoznati građane sa rezultatima Općinskog načelnika u toku protekle godine, planirane i sprovedene aktivnosti .

Žene mogu da dobiju besplatnu pravnu pomoć - pravni savjet ili informaciju iz oblasti porodičnog prava, radnih odnosa ili socijalne zaštite od strane Centra za pravnu pomoć u saradnji sa Centrom za edukaciju mladh. Aktivnost se nastavlja i u 2012.godini.

U novembru 2011.godine CEM je uspostavio saradnju sa ISMO – Internationale Geesellschaft für Mobile Jugendarbeit iz Stuttgarta, Njemačka (mobilni omladinski rad). CEM je uradio nekoliko edukacijskih aktivnosti (treninzi i kursevi) za romsku populaciju uz saradnju sa Earlham Koledžom (Richmond, Indiana) kroz "Peace Project Turbe 2011".

U 2011.godini pružili smo podršku implementaciji aktivnosti Zavičajnog muzeja Tarvnik , udruženja građana „Tornjak“ i „Avlijaner“.

2.9. Rekli su o nama...

Teško je mjerljivo u kojoj količini prema mladima usmjeren rad doprinosi njihovom shvatanju i prihvatanju volonterskog rada i neformalne edukacije Kako bi smo ipak iskustva mladih ljudi koji prolaze programe CEM-a prikazali i stavili na prvo mjesto kao rezultat uspješnosti rada, u prilogu iskustvo jedne volonterke:

Ovih sedam dana u Vječnom gradu ću se uvijek rado i sa osmijehom na licu sjećati. 24.ti oktobar je bio dan kada sam skupivši hrabrost, radoznalost ali i mnogo pozitivne energije krenula ka Sarajevskom aerodromu i tako započela putovanje za znanjem.

U Rimu smo svaki dan imali interaktivna predavanja, na razne teme, ali imali smo priliku i da se upoznamo sa ljepotama ovog Vječnog grada na sedam brežuljaka.

Mješajući teme, ljudska prava, sa predivnim Rimom, uskoro je došla nedjelja, dan kada se trebalo od svega oprostiti i vratiti u svoju domovinu.

Leteći kući, razmišljala sam koliko sam ja u stvari sretnica što sam dobila ovakvu priliku da posjetim jedan od najljepših svjetskih gradova i upoznam toliko simpatičnih i pozitivnih ljudi iz cijele Evrope.

Zahvalna sam Centru za edukaciju mladih koji mi je pružio ovu priliku, koju sam iskoristila najbolje što sam mogla.

Alina Šehić, volonterka (učesnica programa „Travel for knowledge“, Dare to ruin or dare to care“ Rim, Italija)

3. Zahvalnice

3.1. Članovi/ce upravnog odbora

- Irena Batić
- Haiša Halilović
- Sandra Gazibarić
- Esmā Hopić
- Admir Arnautović

3.2. Partneri i donatori

- Sida – Švedska međunarodna razvojna agencija
- Forum Syd Švedske
- Forum Syd Balkans Programme
- Općina Travnik
- Općina Vitez
- Općina Zenica
- Mjesne zajednice općine Travnik

- Ministarstvo obrazovanja Srednjobosanskog kantona
- Ministarstvo obrazovanja Sarajevskog kantona
- Komisija za mlade općine Travnik
- CCI – Centri civilnih inicijativa
- INFOHOUSE Sarajevo
- CPCD- Centar za promociju civilnog društva
- BTD-Balkan trust for democracy
- Link Sarajevo
- OSCE Travnik
- Forum MNE – Forum mladi i neformalna edukacija, Crna Gora
- Triagolnik - Centar za neformalno obrazovanje, Makedonija
- CORNO Centar za omladinski rad i neformalno obrazovanje, Doboj, Bosna i Hercegovina
- PRONI Centar za omladinski razvoj, Brčko, Bosna i Hercegovina
- Centar za omladinski rad CZOR, Novi Sad, Republika Srbija
- BH Telecom, Bosna i Hercegovina
- CGS Livno
- ToPeer Doboj
- DON Prijedor
- KULT Sarajevo

3.3. Mediji

- TNT radio, zvanični medijski promotor
- TV 1
- Radio postaja Vitez
- Dnevni avaz

3.4. Web portali

- www.tnt.ba
- www.hronika.ba
- etrvnik.ba
- www.opet.ba
- www.civilnodrustvo.ba

Centar za edukaciju mladih CEM